

Mbwn Lok Imyuenz

天賜良緣

□ Suh Dazcin / 苏达进

Mbwk:
Nanz mbouj raen mwngz beix,
Miz maz saeh cig you,
Yienj yiengh naj saepsou,
Lij cien youz gaijmbwq.

Sai:
Saed vah lwnh mwngz nuengx,
Maqmuengh lai cauh ngaenz,
Deng vunzvaih yaeuh gwn,
Maex heiqhwnj doxbiek.

Mbwk:
Laemx le youh caiq hwnq,
Ciepswnj guh ndaej hwng,
Ngwz haeb raen cag saenz,
Lawz ndaej daengz hwnghoengh?

Sai:
Mbouj dwg boq daihvah,
Ndang seuq gvaq raemx riengx,
Seng' ei q gag youq mbiengj,
Sim liengz lumj rin dah.

Mbwk:
Beix doegsaw baenz ranz,
Dungx cang haujlai maeg,
Dungxcaiz vunz mbouj caeg,
Raemxraeg nanz naih mwngz.

Sai:
Bi' ndwen seiqcib lingz,
Mbwk fouzcingz lingh haq,
Caiq gangj dah youh dah,
Ndi haq ndaq gou dem.

Mbwk:
Lwgmbauq yiemz gou lem,
Lij miz yiemz hwetgungj,
Naeuz gou huk youh loengz,
Gou cungj nanz okhaq.

Sai:
Lwgmbwk lumj dujva,

Hai rim nga rim ngeiq,
Lwgmbauq bouboux ei q,
Byawz mbouj feiq simgei?

Mbwk:
Beix gangj caen ndei dingq,
Gou simsingj leix re,
Daengz miz bous lwnyez,
Deng gvan ce(vut) couh cuij.

Sai:
Nuengx gangj hix miz leix,
Vunz mbouj ei q faenleiz(doxbiek),
Miz maex leix ranz ndei,
Boux lwg ndaej meh gyaez.

Mbwk:
Vah dwg baenzneix gangj,
Gvan nga' ngangq mbouj coengz,
Vi genz daej da hoengz,
Gag ienq loeng baenz seiq.

Sai:
Miz yienz ndaej doxbungz,
Dwg mbwn roengz cawjeiq,
Gou gaenq nyouda daengz feih,
Ndawsim ei dangqmaz.

Mbwk:
Gou yakyawj lairaeuh,
Vunz mbouj gaeuj daengz gou,
Ngeix daeuj sim gag dou,
Mbouj baenz sou vaiqvued.

Sai:
Soeng dinfwngz gou swix,
Byaijluihui simhoengq,
Mbouj miz vunz caezdoengz,
Cungj mbouj soeng seizneix.

Mbwk:
Gag ngeix gou swheij,
Saedcaih seih gig nanz,
Ngoenzngoengz ngeix hwnjban,

Vunz mbouj han yungh gou.

Sai:
Byaleix diuq hwnj dan,
Byawz youh laengz ndaej gvaq?
Dahsau youq baihnaj,
Siengj coux dah bae ma.

Mbwk:
Roegenq daengz seizcin,
Angq ndaej mbindoudou,
Duzmeh riengz duzboux,
Vuen foux mbouj faenhai.

Sai:
Mbouj ndek hix mbouj leiz(liz),
Gwn raemxreiz cungj nyienh,
Sim' ei q hix mbouj bienq,

Roengzrengz sienq cauh miz.

Mbwk:
Ndae j caeuq beix gezvwnh,
Ninz gwnz oen hix ei q,
Ndawsim caenh vuenheij,
Go baenz seiq mbouj lumz.

Gap:
Mbwn lok imyuenz ndei,
Caen dwg meiz(miz) fukheiq,
Gap gvanbaz baenz seiq,
Ndawsim ei q dangqmaz.

Mwngz maij gou hix gyaez,
Youh doengzcaez haenq guh,
Saed guh mbouj gangjboq,
Caezcaemh coh baihnaj.



Ndithaemh lajde, Gizliz Cin lumj gyuemluemz saek henjrwrwg nei.

Veiz Yinfungh ingj

•Sawcuenhvaez Lwgnyez•

Gij Golwngnyez Henz Dahhoengz

红水谣

□ Lanz Haijyangz Moz Beibei / 蓝海洋 莫蓓蓓

Seizneix, gou cij roxnyinh
vunzhang dauqdaej dwg vunzhang,
lwgnyez caen dwg lwgnyez, vunzhang
miz yawjap caeuq cawjeieng
bonjfaenh mbouj doxdoengz, daiq miz
gij yawjap de, bohgox gag miz
duengdingh. Gou nyinhnaeuz
gij yawjap daiq mbouj miz maz loek,
Aulungzgeiz itdingh buet hwnj bya
bae ra “Vangzvaizgvaig” mbouj dauq
lo, hoengz gij yawjap bohgox hix gig
miz dauhleix, yawj ndaw ranzdaemq
haenx, Aulungzgeiz lumjnaeuz
caengz buetdeuz, hoengz gou bous
lwgnyez iq, cix mbouj miz gij yawjap
bonjfaenh, hix faen mbouj ok
dauqdaej dwg daiq deng roxnaeuz dwg
bohgox deng.

Hoeng, saedsaeh cij cei q deng,
Aulungzgeiz buetdeuz dahraix lo,
sam ngoenz cungj caengz dauqma.

Sam ngoenz neix, daiq baez raen

bohgox couh mboensaex, gvaig
bohgox mbouj dingq gij vah de,
doeklaeng hawj Aulungzgeiz bous
vunzrwix neix baenzneix soengsetset
buetdeuz lo, caen dwg cuengq duzguk
dauq bya, gij hux daengzcog mbouj rox
caenh!

Bohgox cij ngaemgyaeuj, saek
coenz mbouj han, mbouj miz vah dap.

Ndawmbanj, gyoengqvunz cungj
gig ndatheiq, miz vunz naeuz aeu lid

aen ranzdaemq Aulungzgeiz bae,
bohgox gwq gienq, naeuz simdingh
gonq, gvaq mboengq ngoenz menh
gangj. Yaucangj hix bang bohgox
oknaj bae gienq vunzmbanj, yienz-
naeuz caezgya gig hozhwnj, cix aenvih
bohgox caeuq yaucangj, caemhcai q
ndaw ranzdaemq Aulungzgeiz miz
haujlai ngwzdoeg, byawz hix mbouj
gamj bae ning gonq, ndigah gij saeh
neix couh camhseiz daengz roengz-

daeuj lo.

Ngoenz daihseiq, dungx Ahveij
ndei caez lo. Gij baksien g lwfwngz de
deng ngwzdoeg haeb gaenq dwk ywdoj
lo, gyoengqvunz raen lwgda Simj-
mehveij mbouj gawh lo, Ahveij hix
buet okdaeuj guhcaemz lo, gij
ienqhaemz doi q Aulungzgeiz couh
menhmenh noix lo, bae nyaengq
hongnaz lo.

(caengz sat)